

# कुमाऊँ के सचाट

(चौथा भाग)

लेखक :

स्व० चिन्तामणी पालीवाल

प्रकाशक व मुद्रक :

पुरुषोत्तम दत्त पालीवाल

प्रकाशन विभाग :

कुमाऊनी साहित्य सदन  
चौरासी घण्टा बाजार सीताराम दिल्ली-६

द्वितीय संस्करण २००० ] मई १९८६ मूल R.

कुमाऊनी साहित्य मुद्रक बाजार सीताराम

10-00

# कुमाऊँ के समाट

[ चौथा भाग ]

लेखक: —

प० चिन्तामणि पालीवाल

प्रकाशक: —

पुरुषोत्तम दत्त पालीवाल

प्रकाशन विभाग: —

कुमाऊनो साहित्य सदन  
चौरासी घन्टा बाजार सीताराम दिल्ली-६

सर्वाधिकार सुरक्षित

प्रथम संस्करण ३०००]

फरवरी १९७४

[ मूल्य ] Rs 10 - ००

## भूमिका

कुमाऊं के सम्राट चौथा भाग में कत्यूरी राजाओं के बाद चन्द राजाओं का ऐतिहासिक वर्णन छन्दोबद्ध कुमाऊंनी भाषा में किया गया है। यह सब कुमाऊं का इतिहास लेखक बद्रीदत्त पाण्डे के अनुसार किया गया है। इसमें चन्द राजाओं में सबसे पहले राजा पोहर चन्द व सोमचन्द थे। उसके बाद बड़े-बड़े राजा चन्द राजाओं में हुए जिन्होंने दिल्ली के बादशाह अकबर से भी सम्बन्ध स्थापित किया और मुसलमान राजाओं और नवाबों से मुकाबला किया। राजा ज्ञानचन्द ने गुरु ज्ञान चन्द की पदवी पायी और तरायी भावर का राज्य भी इनाम में पाया।

राजा मानिक चन्द और एक मुसलमान छोटा राजा खवास खाँ ने इसलाम साह के साथ मुकाबला किया खवास खाँ हार गया तो कुमाऊं के राजा मानिक चन्द की शरण में आया इसलिए इसलाम साह ने राजा मानिक चन्द को पत्र लिखा कि तुम खवास खाँ को छोड़ दो नहीं तो तुम्हारे कुमाऊं को उड़ा दिया जाएगा। राजा मानिक चन्द ने उत्तर दिया कि कि यह हमारे धर्म और राजनीति के खिलाफ है। हम जो शरण में आ जाता है उसको नहीं छोड़ सकते हैं, तुम्हें जो करना है वह करो इसी प्रकार के चन्द राजाओं में कई राजा हुए राजा रुद्र चन्द ने रुद्रपुर नाम का शहर बसाकर वहाँ कुमाऊंनी जनता को बसाया जब कि वह तरायी भावर मुसलमान नवाब ने अपना बना लिया था। उससे पहले यह भावर कत्यूरी राजाओं का था। चन्द राजाओं ने डोटी के राजाओं को भगाकर अपना राज्य बना लिया। चन्दों के बंशज कुंवर आनन्द सिंह को बताते हैं। इस प्रकार चन्दों की वीरता और पराक्रम का वर्णन किया गया है यद्यपि इसमें सम्पूर्ण राजाओं का सभी प्रकार का वर्णन अभी नहीं आ सका फिर भी इसमें कत्यूरी राजाओं के बाद चन्दों का वर्णन और उनके बल पराक्रम का वर्णन किया गया है।

कुमाऊँ के गोरख कत्यूरों और चन्द्र राजा कुमाऊँ के दूसरों का इतिहास यद्यपि विस्तृत रूप से नहीं मिलता है। इस कारण यह भी मानूम होता है कि अंग्रेजी शासन काल में कुमाऊँ प्रखण्ड की तरफ सरकार का ध्यान कम रहा जिससे उस प्रखण्ड में शिक्षा की कमी रही और वहाँ की जनता को अधिकारों की भी कमी रही। अधिकार नहीं मिले यही कारण है कि वहाँ का लिखित इतिहास नहीं मिलता किंवदन्तियों के आधार पर या अठकिसन कनिधम व रद्दी दत्त पन्त आदि आदि शोधकर्ताओं के लिखे अनुसार भूतपूर्व संसद सदस्य कुमाऊँ के शरीरी श्री बद्री दत्त पाण्डे जी ने जो खोजकर लिखा है उसमें से मैंने कुमाऊँ नी कविता में थोड़ा सा लिखा है। गलती के लिए क्षमा प्रार्थी चिन्तामणि पालीवाल की कुमाऊँ की जनता से निवेदन है कि यह पूर्वजों की चिरस्मृति को जरूर पढ़ें।

लेखक:—

चिन्तामणि पालीवाल

ग्राम कमराड़ वला नया अल्मोड़ा

कुमाऊँ नी साहित्य सदन

बाजार सीताराम चौरासी घण्टा

दिल्ली-६

मानस चतुशती के वर्ष सम्बत २०३१ में

## कुमाऊँ नी रामायण

गोस्वामी तुलसीदास जी कृत मानस

का

कुमाऊँ नी अनुवाद सम्पूर्ण बालकान्ड कुमाऊँ नी  
चतुर्शर्वणिक छन्दों में कुमाऊँ नी साहित्य सदन द्वारा  
अतिशीघ्र प्रकाशित होने वाला है।

# कुमाऊँ के सम्राट

चौथा भाग

प्रथम खण्ड

## सरस्वती की वन्दना

|         |        |                            |
|---------|--------|----------------------------|
| सरस्वती | माता   | नमस्कार ।                  |
|         | सिद्धि | करिए सब प्रकार ॥           |
| प्रथम   | त्यरौ  | सुमिरौ नाम ।               |
|         |        | सिर नवै बटि करु प्रणाम ॥   |
| मन में  | त्यरौ  | ध्यान धरनू ।               |
|         |        | चन्द राजाओं को वर्णन कनू ॥ |

● कुमाऊँ में चन्द राजा कब से आये ? ●

चन्द राजा कसि आया कभणि या आया ।  
कति बटि आछिया यों कतियों रहया ॥

वैलिया कुमाऊँ मजि पोहर चन्द आयो ।  
बारा सौ यकसट में उ सोल सालौ हयो ॥

तीन पीड़ी बाद जब निरै सनतान ।  
ज्ञान चन्द आया तब ककै की सन्तान ॥

तेरा सौ चौहत्तर में गही में बैठाया ।  
यो बातै कै हर्ष देव जोशी बतै गया ॥

और लै छै प्रचलित अनेकों कहानी ।  
 अठकिसन हिमन्टन किबदन्ती करी ॥  
 वौरा विष्णु उती का जो पैली रजा छीया ।  
 कत्यूरौ का समय में दवाइ गछीया ॥  
 कत्यूरौ दगड़ा तब अदावट हैगे ।  
 उनरा मनम तब खुन्दक रहेगे ॥  
 सर्व श्री मान सिंह विकरम सिंह ।  
 और एक हया फिर विकरम सिंह ॥  
 उगया प्रयाग राज तीरथ नाहणि ।  
 उती बै लिअया तब सोम चन्द कणी ॥  
 चन्द बंशी हया कनी चन्देला बंशजा ।  
 कनौजा का छीया कनी जय चन्द रजा ॥  
 ब्रह्मदेव रजा एक कत्यूरीया हया ।  
 सोमचन्द कणी देखि खुशी हयी गया ॥  
 देखी बै उनरा तब आचार विचार ।  
 रहन सहन और सब शिष्ठाचार ॥  
 उनुलै उकणि तब चोलि व्यबै दिया ।  
 पन्द्रा बीघा जग लैकि दहेजम दिया ॥  
 और लकि भावरम इलाका दि दिया ।  
 बीलै एक छोट-छोट राज बनै दिया ॥  
 चम्पावत मजि बीलै किला बनै लिया ।  
 चार व्यक्ति फौजदार उति बनै दिया ॥

ज्ञानि तै डं चार बात प्रसिद्ध कहानी ।  
काँकी वौरा तड़ागी लै चौधरी कहानी ॥

चन्द तब उबखत छवटा २ हया ।  
पछिला यो सोम चन्द भौत बढ़ि गया ॥

गाढ़ा सालम लकि ध्यानी रौ तमान ।  
कालि कुमी परगना जतुक नमान ॥

है गोय उबखत सोम चन्द राज ।  
सोम चन्द भौत भलौ हय महाराज ॥

तुखवान नीतीवान और ज्ञानवान ।  
सुन्दर लै सुचरित्र बड़ बुद्धिवान ॥

इक्कीस बरस तक सुराज चलाया ।  
सात सौ अठत्तर में स्वरग सिधाय ॥

सोमचन्दौ पुत्र फिर आत्म चन्द हया ।  
सात सौ इक्कीस मजि गढ़ी में वैठाया ॥

चन्द रजा सबु पैली झुशी बटि आया ।  
प्रचालित बातँ छा य पुर्वज कै गया ॥

हुंवर आत्मचन्द भला रजा हया ।  
राज बिसतार कणि बढ़ानै रहया ॥

धरम करम मजि रुचि धरं छिया ।  
छवटा २ रजा तब सलाम कंछिया ॥

उनिस बरष तक राज करि गया ।  
सात सौ चालिस मजि स्वरग सिधाय ॥

बीक बाद चन्द राजा पूरण चन्द हया ।  
अठारा बरस उलै राज करि गया ॥

उनु कणि छ्रीया कनी शिकारी कौ सौक ।  
भावर तरायी मजि करं छ्रीया मौक ॥

देवी देवताओं का उ भक्त लकि छ्रीया ।  
पूजा मजि धम धाम खूब करं छ्रीया ॥

जीतै जी आपण राज च्यलै कै दि गया ।  
पूनागिरी सेवा मजि आपू नहै गया ॥

सात सौ अट्टावना में गया स्वर्ग धाम ।  
बीक बाद रजा हया इन्द्र चंद नाम ॥

बीकणि बतानी सब्र अभिमानी हय ।  
बीस वर्ष तक उलै राज करी गय ॥

पूरन चंद च्यल हय खंसार चन्द ।  
बीक च्यल हय फिर राजा सुधा चन्द ॥

संसार चंदौ कौ रय पैती साल राज ।  
सुधा चंद बीस वर्ष क्य राज काज ॥

बीक पै हमीर चंद हरो चंद हया ।  
तीन वर्ष राज कैबै जोगी हयी गया ॥

फिर हय चंदो मजि रज बीणा चंद ।  
भोग बिलासौकौ ज्यादा ल्युछियो आनन्द ॥

राज काज तरफ क्वे ध्यान निरौ छ्रीया ।  
रात दिन रनी वास मजि रहौं छ्रीया ॥

आखरी य रजै की क्वै निर्झ सनतान । :

तेर वर्ष राज करि नहै गोय निधान ॥  
चंदो को शासन अब है गो कमजोर ।

उनुलै खस राजाओं को तब बड़ी गोछ जोर ॥  
आपण तब फन्ड फहैराय ।

चंद क्रमचारियों के मारी बै भजाय ॥  
खसौ लै उनरी तब के दीया लूट पाट ।

मारि दी क्वै भाजि गया हेशावरैं हणि ।  
सम्पत्ति सामाना तब कै दी बारा बाट ॥

कत्यूरीया है गछीया छोटा २ रजा ।  
क्वै है गया शरणार्थी तब चिंतामणि ॥

चन्दों का दिवान पंत्रि उनरा या गया ।  
आपसै फूट लै छीया जगु २ मजा ॥

उनुहाँ उनुलै क्य तुम रजा हया ॥  
कुमाऊ तुमरौ हय मूल स्थानी राज ।

तुम किले चुपै रछा मौक एरौ आज ॥  
चढ़ाई कै दियौ तुम खस रजौ पारी ।

हमलै मदद अब करूला तुम्हारी ॥  
आपण जाइया राज वापिस लिआवौ ।

कुमाऊ कौ राज काज चैनै लै चलावौ ॥  
कत्यूरौ लै क्य तब कालि कुमों राज ।

दैज में दिरौछा हम च्येली जबै काज ॥

दैज भे देइया हम वापिस निलिना ।  
 शास्त्रों विरुद्ध हम काम निकरना ॥  
 चन्दो कौ छौ राज एति तुपै राज करौ ।  
 हाँमला हिमत करौ बाहु षल धरौ ॥  
 चन्दो का करमचारी तब चुपै गया ।  
 स्वम राजाओं का तब आधीन है गया ॥  
  
 दोहा—वश्वत पडे खोटे बबन मबके महीय रहीम ।  
 ममा दुषामन पट महे गदा नहे गहि भीम ॥  
 समौ कौ बाजि गो तब विजय कौ डंका ।  
 पन्द्रा पीढ़ी तक रथ शासन निशंका ॥  
 द्वी सौ वर्ष रहया यो शासनाधिकारी ।  
 मचि तब उत्तर में खलबली भारी ॥  
 काशमीर कागंडा में कुमाऊँ नैपाल ।  
 आसाम लै दारजिलिंग विछी गोय जाल ॥  
 विन्ध्याचल राजपुताना खसीयों कौ राज ।  
 कुछ लोग परतापी हया महाराज ॥  
 उनरा शासनै कौ के जानकारी निछा ।  
 नामावली याद कुछ एति जो दिरैछा ॥

## खस राजाओं को नामावली

बीजड़ जीजड़ और जाजड़ लै जड़ा ।  
 कालू लै कमालू और जाइल नौ पड़ा ॥

मूल गुरु पीड़ा बीड़ा नागू भागू नाम ।  
 जैपाल सौपाल लकि सन्दू इमा नाम ॥  
 खसौ का राजम जब चन्द राजपूता ।  
 भाजि वैतराराइ मजि गया राजदूता ॥  
 खसों का राज लै जब प्रजा दुखी हैगे ।  
 चन्द्र वंशी वीर चन्द्र कणि खोजि ल्येगे ॥  
 संसार चंना का जो रिस्तेदार छीया ।  
 नैपालै की तरायी में राज करं छीया ॥  
 श्री सौनखड़ एक सरदार छीया ।  
 उनुकै सबुलै तब बनै दी मूखिया ॥  
 सौनखड़ सरदार बड़ा नामी छीया ।  
 उनुलै भाजिया लोग सबै बुलैशिया ॥  
 वामरु लै राजपूत वैश्यौ का समेत ।  
 धन माल असबाब सामान समेत ॥  
 खस रजौ पर तब करि दी चढ़ाई ।  
 धमासान युद्ध तब है गेयी लड़ाई ॥  
 खस रजा सौपाल पै तब मारी गोय ।  
 वीर चन्द्र काली कुमौ रज है गोय ॥  
 बड़ी धूम धामै ले पै अमीशेख हय ।  
 वीर चन्द रजै लै पै तब यसौ कय ॥  
 राज पदाधिकारी जो पुर्वजौ का छीया ।  
 उनरा उनरा पद उनुकै दी छीया ॥

महेरा फत्यल लकि तड़ागी लै बौरा ॥  
 चौधरी लै विष्ट लकि काँगड़ी लै औरा ॥  
 वीर चन्द रजै लै पै वीरता दिखाई ।  
 पूर्वजों का राज कणि वापिसगो ल्याई ॥  
 पन्द्रह वर्ष राज करि नाम चलै गोय ।  
 दस सौ अस्सी में तब सुर लोक गोय ॥  
 वीर चन्द्रा बाद फिर चौबी रजा हया ।  
 बार सौ छीया नब्बे तक राज करि हय ॥  
 उनरा वारम और कुछ याद निष्ठा ।  
 नामावलि याद छा जो यत कणि दीच्छा ॥

**बीच के चन्द राजाओं की नामावली**  
 लक्ष्मी चन्द धरम चन्द कर्म चन्द हया ।  
 कल्याण लै नीम चन्द नर चन्द रया ॥  
 नानक लै राम चन्द भीस्म चन्द छीया ।  
 राजा नेम चन्द और ध्यान चन्द छीया ॥  
 दस सौ तीरानब्बे वै यतु रजा हया ।  
 बारह सौ छिया नब्बे तक राज करि गया ॥  
 वीक बाद रजा हयो त्रिलोक चन्द ।  
 सात साल राज कयो बहौतै आनन्द ॥  
 छकता लै भीमताल फिर जीति ल्यायो ।  
 भीमताल मजि एक किला पै बनायो ॥

त्रीलोक चन्दा बाद फिर तीन रजा हया ।  
 उनरा धरम चन्द अमर चन्द हया  
 छीयातर वर्ष तक करि गया राज ।  
 बीक बाद ज्ञान चन्द हया महाराज  
 ज्ञान चन्द जब हया शासनाधिकारी ।  
 दिखाई ईनुलै तब बुद्धिमता भारी  
 नैली काम यस करौ दिल्ली मजि गया ।  
 बादशाह तुगलक पास अरजी ली गया  
 बादशाह जैरा छीया तहेंत शिकार ।  
 उति गया ज्ञान चन्द बहौत हुस्यार  
 उति तब बिचितर एसी बात हैगे ।  
 ज्ञान चन्द कणि जैलै पदवी मिलीगे  
 गरुड़ जाणछी एक पकड़ी स्याप ।  
 रजैलै दिखाय तब आपण प्रताप  
 उड़न गरुड़ कणि मारि दियो तीर ॥  
 गिरी गो गरुड़ तब धरती आखीर  
 ज्ञान चन्द वीरता कै देखी बै तुगलंक ।  
 बहौत प्रश्न रय अखरी तलक  
 तब बीलै पदवी दी गरु ज्ञान चन्द ।  
 देखिवै अरजी तब बहौत आनन्द  
 अरजी में यस हय भावै तरायी ।  
 हमू कणि दियो दियो तुमरी भलायी

पैली वटि य भावर कल्यूरौ कौ हय ।  
 कल्यूरौ का बाद अब चन्दौ छा कय ॥  
 खुशी हैवै बादशा लै लिखी दी फर्मान ।  
 कुमाऊं कै दियो कय तरायी तमान ॥  
 भागीरती तट तक चन्दौ कौ है गोय ।  
 गरुड़ ज्ञान चन्द तब नाम हैँ गोय ॥  
 कुछ दिन बाद फिर कुमाऊं में आय ।  
 तरायी भावर मजि शासन जामाय ॥  
 य कहानी चौदह सौ दस बारै हई ।  
 ज्ञान चन्द रज की जो विजय रहई ॥  
 कुछ दिन बाद फिर सम्भलों नवाब ।  
 तरायी भावर मजा आयी गोय आब ॥  
 तलीभाव भावर में जमायधिकार ।  
 मलिमाव मजि रथी चन्दो की सरकार ॥  
 एक नीलू कठैत छी सरदार वीर ।  
 उकणि पठयाय तब तलीमावै तीर ॥  
 तरायी भावर कणि जीति बैली आय ।  
 मुसलमानौ कणि वीलै मरि बै मजाय ॥  
 पैतालीस वर्ष तक सुराज चलाय ।  
 चौदा सौ उन्नीस मजि स्वरग सिधाय ॥  
 वीक बाद वीक च्यलौ हय हरीचन्द ।  
 गद्दी मजि वैठ तब करौ राज धन्द ॥

परजा छी मकित मार्गी धार्मिक विचार ।  
 धर्म-कर्म करं छीया भलि परकार ॥  
 कथा लै पुराण लकि भजन कीर्तन ।  
 हरि चर्चा मजि सदा रौछीया मगन ॥  
 चौदा सौ बीसम उलै बैकुण्ठ सिधाय ॥  
 च्यलौ छी उद्यान चन्द गद्दी में बैठाय ॥  
 येलै लकि राज क्य कुल एकै साल ।  
 चौदा सौ इकीस मजि हय अन्त काल ॥  
 कुवा लै नौ हौवा लकि बावड़ी तलावा ।  
 मन्दिर लै धर्मशाला और पाठशाला ॥  
 बहौतै बामणै कै दी दान लै दक्षाण ।  
 गरीब बाल कौ की लै करछि रक्षीण ॥  
 वीक बाद हया फिर राजा आत्म चन्द ।  
 एलै करो राज काज और कार धन्द ॥  
 एकै साल मजि योंलै चलि बसि गया ।  
 इनरा सुपुत्र फिर हरिचन्द हया ॥  
 एक साल मजि योलै स्वरग सिधाय ।  
 राजा विक्रम चन्द फिर गद्दी मजि आया ॥  
 हरि चन्द बाद फिर हया विक्रम चन्द ।  
 गद्दी मजि बैठो फिर कर राज धन्द ॥  
 योक जमान कौ एक ताम पत्र मिल ।  
 उमजि लेखीया तब यस लेख मिल ॥

विक्रम चन्दै लै जिता बड़ै २ रजा ।  
 दादा ज्ञान चन्द का जो करि छीया काजा ॥  
 बागेश्वरा लकि बीलै सुरक्षित धरौ ।  
 भौत करा काम यसै बड़ै नाम धरौ ॥  
 ज्ञान चन्दा समय जो प्रजा छी नाराज ।  
 बीकौ नाती विंक्रमौ लै करा काम काज ॥  
 बहौतै जागीर दीया बामणौ कैं दान ।  
 ब्रह्म भोज करवाया भौत प्रतिस्थान ॥  
 मन्दिर लै धर्मशाला नौ हौवा बावड़ी ।  
 दान दी बामणौ कणी जगा बड़ि बड़ि ॥  
 चौद सौ चौबीस में जो भल गाँव छीया ।  
 कुलो मणि पान्डे ज्यू कै दान मजि दिया ॥  
 विक्रमै लै पैली पैली भला काम कया ।  
 भोग घिलासौ में फिर आशिक है गया ॥  
 बीकै भतीजै लै तब खस रगो कणि ।  
 आपू में मिलाय फिर लड़ै रजै हणि ॥  
 खसौ कौ सरदार एक शौड़ करायत ।  
 बड़ौ भारी परतापी छीय उबखत ॥  
 विक्रम रजै कैं बीलै मारी बै भजाय ।  
 भला सौगौ तब बीलै जागीर में पाय ॥  
 विक्रम रजैलै पौलि बीक एक च्यलौ ।  
 दिवाल मैं चिणी बटी पैली मारि हलौ ॥

तब विलै कुमायौं कै आपू में मिलाय ।  
 राजा विक्रम चन्द करण मारि बै मजाय ॥  
 चौद वर्ष राज करि देह त्यागी गोय ।  
 भतिजों भारती बीकौ रजा हैँ गोय ॥  
 भारतीय चन्द हाँति भल छीय कनी ।  
 सुचरित्र लोक प्रिय नृपति बतानी ॥  
 बीलै शौँड़ करैतै कै कैद करै दिये ।  
 भावर तरायी मजि उबखत छीयो ॥  
 डोटी का जो रैक रजा बीक खानदान ।  
 काली कुमौ छीया तब रजा श्रीमान ॥  
 काली तीर भारती लै डेरा डाली दिया ।  
 बार वर्ष सेना तब उति जमै दिया ॥  
 लूट पाट करि तबा भारी संगराम ।  
 बीको च्यलौ हय जै कौ रतनचन्द नाम ॥  
 बाबू की मदद हणि सेना उ लिगोय ।  
 डोटि कौ महराज तब खेत छोड़ी गोय ॥  
 साथै साथ और सब राजलै दबाया ।  
 चन्द रजा सब भाँति स्वतन्त्र है गया ॥  
 डोटि कौ रजौ कौ फिर छत्र उठि गोय ।  
 सोर सीर रज सब इनरै है गोय ॥  
 चौद सौ पचास मजि भारतीय रजा ।  
 रतन चन्द करण तब दिंदिया सुराजा ॥

चौद सौ इकसठ मजि स्वरग सिधाया ।  
 तेर वर्ष कुमाऊ में राज करि गया ॥  
 रत्न चन्द रजा हया बड़ा भाग्य शाली ।  
 इनुलै सुराज क्य सब जीती हाली ॥  
 बागेश्वरा मन्दिर में कराय भन्डारा ।  
 पूजा पाठ करि उति भलि परकारा ॥  
 धर्मशाला बनाया वा भौत शानदार ।  
 पूजाका भोगाका लिजी गौं दिया द्वीचार ॥  
 उबखत कुमाऊ का रजौ कौ प्रभाव ।  
 भौत बड़ि गोछी तब चन्दो का जमाव ॥  
 चम्पावत मजि लकि कर फिर राज ।  
 मित्र बनै लिया सब रोहिला महराज ॥  
 डोटी की लड़ै में फिर मदद करीछा ।  
 यरजैलै और एक साख धरि दिछा ॥  
 आपण राजम सब लगा छीया गस्त ।  
 चलाय रजैलै तब नयी बन्दोबस्त ॥  
 डोटी का रजों हैं फिर करि दी लड़ायीं ।  
 राणिका लै रैका लकि आधीन बनायी ॥  
 नागा मल्ल शाही छीया शाही खानदान ।  
 चन्दों का आधीन तब है गया तमान ॥  
 रत्न चन्द कणि फिर हौसला है गोय ।  
 जुमला बजांग थल प्रभुति गोय ॥

जगननाथ मठ लकि खंड क महर ।  
 सुरज मरह लकि करि दिया सर ॥  
 यों तीनो लै मिली बटी सन्धि सुलै करि ।  
 कुमाऊँ का रजै कणि कर दिणैं ठरि ॥  
 यों तीनों रजौलै तब चन्द रजौ कणि ।  
 अन्त तक कर दिया तब चिंतामणि ॥  
 अठारौ सदी में तब यों छोटा नरेश ।  
 बिसत्रित नैपाल दगै करि लीयो मेश ॥  
 तभणि बै कर दिणै बन्द करि दिया ।  
 अधिला इनरौ नाम यसौ यसौ छीया ॥  
 उत्तमसिंह रगुनाथ शिवराजसिंह ।  
 इनदर रतन सिंह महेन्द्र सिंह ॥  
 अठारा सौ पचासम गजेन्द्र सिंह ।  
 बजांगा का रजा छीया गजराज सिंह ॥

---

## सूचना

कुमाऊँनी साहित्य सदन में एक ऐसे व्यक्ति की आवश्यकता जो कि दिल्ली में तमाम बुक्सेलरों को कुमाऊँनी किताबों की सेल करे तथा आर्डर लावे । उसको उचित कमीशन मिलेगा । इसके अलावा वही व्यक्ति कुमाऊँनी साहित्य मण्डल का प्रचारक भी बनाया जाएगा जो कि सदस्यों से मण्डल का वार्षिक चन्दा भी वसूल करेगा उसमें भी उसको पारिश्रमिक मिलेगा ।

जानकारी के लिए सम्पर्क स्थापित करें:—

**कुमाऊँनी साहित्य सदन**  
 चौरासी घण्टा बाजार सीताराम देहली-६

---

# कुमाऊँ के सम्बाट

चौथा भाग

दूसरा खण्ड

## बम राजाओं की नामावली

सौरा का छी बम राजा यों इनारा नाम ।

यो के शाख नि मिलनी क्य इनरौ काम ॥

कराकिल काकिल लै औ चनरी बम ।

अंकी ज्ञानी शक्ति बम हरि विजय बम ॥

बम रजौ राजम जो जैदां छी किराला ।

वीक छा कहानी एक सुणि लियो हाल ॥

पट्ठी वीकी बल्दीया छी कीरी वीकौ ग्राम ।

वील करौ उबखत बन्दो वस्तौ काम ॥

छिपाईया जिमि वीलै लोगों हाँति पाई ।

नयी नाप चलै बटि रकम बढ़ाई ॥

बढ़ि गे रकम जब लोग गुस्सा हया ।

जैदा कणि मारणौ की सला कण रया ॥

जैदा जब गोय कथैं और गोनों मजि ।

उनुलै विद्रोह करौ पैस दिण मजि ॥

छुलै परपंच रच उक्ते मार हणि ।  
 यौ झुठि खबर सुणै बीकी सैणी कणि ॥  
 जैदा मारी गोछ कय लडाई में आज ।  
 रुण चिलाणैं लै आब क्ये निहनौ काज ॥  
 आब तु धरण चैछै जो आपणी पती ।  
 बीका बही रजिस्टर लिवै हैजा सती ॥  
 तब त्यरौ धरम लै इज्जत रैजाली ।  
 जैदा की आतमा कैलै शान्ति मिली जाली ॥  
 डनिलै पै उसै कय सती हैयी गयी ।  
 कागजाद रजिस्टर सब निन्है गेयी ॥  
 यौ प्रपंच मजि लोग सफल है गया ।  
 सैणी लकि कागजाद सब जलि गया ॥  
 यो खबर सुणि जैदा वलहीन हय ।  
 शोक में विकल हैवैं तब मरि गय ॥  
 तदिन बैं यो मिसाल मस्तुर है गोय ।  
 आधिला का लैनौ मजि यस लिखि रय ॥  
 मरि गोय जैदा हाँ जलाई गई बै ।  
 जसी जसी सोर्यावि कूनी तसी तसी भै ॥  
 रतन चन्दा राज में यो सब कुछ हय ।  
 सत्ताईस साल बीक राज काज कय ॥  
 चौदा सौ अठासी मजि स्वरग सिधाय ।  
 उबखतै कीर्ति चन्द गदी मजि आय ॥

यो रजैलै भौत जग विजय करीछा ।  
 पूर्बजों की यस कीर्ति उज्ज्वल करीछा ॥  
 डोटी का रजै लै जब करि दी चढाई ।  
 कालीका किनरा परी फौज दी जमाई ॥  
 कुमाऊ में छायी गया मारण भै गया ।  
 राजदूत रजा का यो खबर ल्ये गया ॥  
 कीर्ति चन्द खेलण छी तहेंत चौपड़ा ।  
 सुणि वै खबर तब उठि गया टाढ़ा ॥  
 घख जब डोटयालों कौ भारि लसकर ।  
 घबराया रजा तब कांपा थर थर ॥  
 उबखसै ईश्वरै की ऐसी हैंगे दया ।  
 नागनाथ सिद्ध एक योगेश्वर आया ॥  
 चम्पावत राज बुगा मजि करौ डेरा ।  
 रजै कणी मिलि तब उनरी खबरा ॥  
 कीर्ति चन्द दौड़ि वै उनरी पास गया ।  
 भेट पुजा करि बटि बृतान्त बताया ॥  
 सुणि वै फकोर तब दया में ऐ गया ।  
 यस कयौ लणै मजि तुम झन जया ॥  
 झोलि में वै तब एक चाबुक निकावौ ।  
 रजा हाँति कय तब यकणि लिजावौ ॥  
 यो चाबुक दिया कयौ सेनापति कणी ।  
 येलै ऊ भजाई घल दुरमण कणि ॥

सेनापति गोय तब चाबुक लीबेर ।  
 भजै दी डोट्याव जसा तितरा बटेर ॥  
 कीर्ति चन्द रज तब विजयी है गोयो ।  
 यस कीर्ति बढ़ाई लै बहातै पै गयो ॥  
 नाग नाथ बाबा लकि पुजित है गया ।  
 रजा का यौ दरबारी सलाकार रया ॥  
 आजी लै वां मन्दिर छा किला का सामाणी ।  
 नाग नाथै पुजै हैछा उति चिन्तामणी ॥  
 ढोटि वै विजय पै वै नागनाथ ज्यूलै ।  
 और सल्हा करं हणि रजा लिया बुलै ॥  
 यस क्य ऐल आब समय छा भलौ ।  
 मुहूर्त लै भल एरौ सगुन रहौलौ ॥  
 पच्छी मै तरफ हणि विजय रहली ।  
 निर्भय है बटि लड़ै जय जय हली ॥  
 गढ़वाल तक तुम विस्तार फैलाओ ।  
 चौतरफा बटि तुम निर्भया है जावो ॥  
 नागनाथै और एक दूसरी कहानी ।  
 इतिहास कार लोग प्रसिद्ध बतानी ॥  
 सिद्ध योगेश्वरा छी जौ कनफड़ा जोगी ।  
 कीर्ति चन्द कणि बीलै बनाय सुयोगी ॥  
 बीले क्य मैं बजौला ऊर्ध्व मूखी नाद ।  
 जाति लकि बीकी जालि आवाज लै धाद ॥

उति तक है जालौ हो तुमरो राज ।  
 सजै बटि लण हणि फौज भेजौ आज ।  
 तब जै सजाय बीलै लणयी कौ साज ।  
 जोगी लै बजाय नाद पड़ि गे अवाज ॥  
 लड्ण लैगयीं तब फौजी अफसर ।  
 जीति गे रजै की फौज उति करौ सर ॥  
 चौमेसि सालम जीतौ फिर फल्टा कोट ।  
 कोटिली छकता जीतौं और उच्चाकोट ॥  
 उति वे धणियां कोट व बारा मण्डल ।  
 पालि पछौं जित फिर इलाका असला ॥  
 गढ़वालौ रजा लकिमारि वै मजाय ।  
 नादौ कौ शबद सुणि नजिक निआय ॥  
 कवे रजा निजित सकौ कीति चन्द्र कणि ।  
 जोगी कौ प्रभाव यसौ पड़ौ चिन्तामणि ॥  
 गढ़वालौ रजा फिर वापिस बुलायौ ।  
 विकराज उकै दिवै कर पै ठरायौ ॥  
 कत्यरौ कौ राजं छी जो मान्डलिक राजा ।  
 विसौवा खगमर कोट करं छीया राजा ॥  
 अल्मोड़ा पहाड़ मूण नदी जो सवाल ।  
 उति एक मन्दिर छी प्राचीन काल ॥  
 कत्यूरौ कौ राज जीतौ व बारा मण्डल ।  
 स्युनरा लै जीती लिओ इलाका असला ॥

स्यूनरा वै रजा फिर बौरैरौ में भाजा ।  
 कत्यूरी रजौ लै साज लड़ायी कौ राजा ॥  
 कीर्ति चन्द सेना बीले सब डाली मारी ।  
 तव १कर्ति चन्द कणी गुस आयो भारी ॥  
 बीलै पैजै मचाई दी सारी मार काट ।  
 कल्ले आम मचै दियो करौ वारा वाट ॥  
 कैड़ेरौ बौरैरौ कणि बनायो आधीन ।  
 गगास कोशिका बीच प्राचीन नवीन ॥  
 आपणा मेला का पैजो कैड़ा बौरा छीया ।  
 उनुकै सयाण चारी पछील दिदिया ॥  
 कैड़ेरौ बौरैरौ कणी आवाद कराय ।  
 मथवै आपणौ तव शासन चलाय ॥  
 पाली हणी बील जब लसकर चलायो ।  
 उति का रजौ लै तव मसौदा बनायो ॥  
 हम लड़ि निसकना कीर्ति चन्द हणि ।  
 भल छा यो सन्धि कौला हम चिन्तामणी ॥  
 उनुलै लखन पुर किल में बुलायो ।  
 मेल जोल करि बटि भलि समझायो ॥  
 यस कयौ प्रजा कणी सन्तुष्ट धरिया ।  
 पाली पछौ कणि तुम आपणै ठारिया ॥  
 कीर्ति चन्द मानि गया उनरा बयान ।  
 उनु कणि बनै दिय सयाण पधान ॥

सन्ट लै मानिला मजि सयणा थोकदार ।  
 चौकोट गीबाड़ मजि भारी जिमीदार ॥  
 पालि बटि गोय फिर फल्द कोट हणि ।  
 खाती रजा रहौं छीया उति चिन्तामणी ॥  
 देश मजि हाती कनी पहाड़ में खाती ।  
 भारी बलवान हया योयी द्वीय जाती ॥  
 फल्दा कोट मजि तब लड़ाई है भारी ।  
 परजा लड़नै रहै रजा गोय मारी ॥  
 करी दिय तब उति सारै कल्ले आम ।  
 मारी गेयी उति लकि परजा तमाम ॥  
 कीर्ति चन्द रजै लौ यां आपण हिपाई ।  
 महैरा लैकरा यत ठेला जाति माई ॥  
 फल्दा कोट परगना में उनकै वसाया ।  
 सयणा जागीर दार उनकै बनाय ॥  
 बन्दोबस्त करि बटि औफिसर धरा ।  
 कोटा लै ककोली फिर करि लयो सरा ॥  
 घ्यानी रौका बटा फिर आय चम्पावत ।  
 देश लै भावर हणि गोय तबखत ॥  
 जसपुरा पास फिर चौकी बनै लिया ।  
 कीर्ति पुर उजगौ कौ नाम धरि दिया ॥  
 आजि लै उ कीर्ति पुर नाम छौ विरुद्धात ।  
 कीर्ति चन्द रजै लै वै बनै जग थात ॥

उवस्तुत कुकाऊँ में कीर्ति चन्दौ राज ।  
 चौथा हिस्सौ छोड़ी बटि सारे में स्वराज ॥  
 कत्यूर लै दान पुर अस्को सीरा ।  
 सोर तक हया तब कत्यूर आखीरा ॥  
 गढ़वाल लकि बीलै फते कण चाय ।  
 नागनाथ फकीरै लै वर्जी वै बचाय ॥  
 देघाट वै उर्धा फिर छोड़ि दी गढ़वाल ।  
 बाकी सब करि दिय आपण हवाल ॥  
 भागीरती तट तक य रजौ कौ राज ।  
 चन्दों मजि हया यौई ढुला महाराज ॥  
 पन्द्र वर्ष बड़ भल राज करि गोय ।  
 पन्दरा सौ तीन मजि वैकुन्ठ न्है गोय ॥  
 फिर हय परताप चन्द महाराज ।  
 बाबु कौ जितिया मजि करौ बीलै राज ॥  
 आपण स्वराज मजि कर छीया दौर ।  
 नयी काम य रजैलै क्वे निकया और ॥  
 पन्दरा सौ सत्तर में स्वरग सिधाय ।  
 वीक बाद ताराचन्द गद्दी मजि आय ॥  
 चौद वर्ष तक यलै स्वराज चलाय ।  
 पन्दरा सौ कौ वां दान पाल पाय ॥  
 तारा चन्दौ समय कौ कुछ नै मालम ।  
 स्वरग न्है गोय तव सोलवां सालम ॥

फिर पै मानिक चन्द गद्दी मजि आय ।  
 नौ बरस राज करौ स्वरग सिधाय ॥  
 वीक जमानम एक यसी बात हैगे ।  
 कुमाऊ रजौ की जैलै भारी साख रैगे ॥  
 खवास खाँ हय एक रज मुसलमान ।  
 दिल्लिपति कणि दिखै लणणै की शान ॥  
 हारि गोय जब तब भाजि वै नहै गोय ।  
 कुमाऊ रजा का तब शरण ऐ गोय ॥  
 दिल्ली का रजै लै तब पत्र भेजि दीयो ।  
 खवास खाँ कणि तुम क्यलै धारिलियो ॥  
 यस क्य छाड़ि दियो खवास खाँ कणि ।  
 नतर उजाड़ि जाल ह्य कुमाऊ कणि ॥  
 रजैलै उत्तर दिय तब चिन्तामणि ।  
 हम छोड़ि निसकना खवास खाँ कणि ॥  
 हम छोड़ि निसकन जो शरण आछ ।  
 य हमरी रजनीति धरम बताछा ॥  
 अठकिसन लिखि गयी य तारीफ कणी ।  
 चन्द रजौ बहादुरी सबुका सामणी ॥  
 अब्दुल्ला खाँ मुसलमान इतिहास कार ।  
 तारीख लिखीछ वीलै करौछा प्रचार ॥  
 कुर्मांचली चन्द रजौ य उज्जवल नाम ।  
 पर्वती लोगों कौछा य मजि सर नाम ॥

फिर पै कल्याण चन्द गदी मजि आय ।

चन्दों मजि यो रजै कैं खराव बताय ॥

यस कनी येलै कौय भौत अत्याचार ।

यका राज मजि प्रजा भौत छी लाचार ॥

पन्दरा सौ पचपन मजि परलोक गय ।

जो आय दुनिया मजि येती क्वे निरय ॥

अन्याई लै न्याय कणी सब नहै जानी ।

सुयस अपयस कणि इतिहास गानी ॥

दोहा—आया हैं सो जाएगा, क्या राजा क्या रंक ।

यस बाकी रह जाता है, बाकी रहे कलंक ॥

पन्दरा सौ इकावना पूरन चन्द आया ।

चार वर्ष वाद यलै स्वरग सिधाय ॥

पन्दरा सौ पछपन में राजा भीसम चन्द ।

गदी मजि बैठौ फिर बहौतै आनन्द ॥

यलै रजा स्वभावो कौ क्ये भल निछिय ।

आपणी सन्तान विकी च्यलै क्वे निछीय ॥

तारा चन्दौ च्यल एक कल्याण चन्द हय ।

उकणि य गोद ल्याय तब राज क्य ॥

माँ बापों लै प्यार मजि वालो वालो क्य ।

वालौ कल्याण चन्द फिर रजौ नौ हय ॥

डोटि बटि उबखत षड्यन्त्र हय ।

कल्याण चन्द फौज लिवै उति भेजी गय ॥

पालि और स्यूनरा वै लकि लणी आई ।  
 रजै लै आपणी कौज उति हैं चलाई ॥  
 एक दफे भीषम चन्द य विचार कय ।  
 चम्पावत राजधानी कुण में है गोय ॥  
 खगमरा कोट मजि किलाढ़ी पुराण ।  
 यकणि बनौल कथ राजौ कौ ठिकाण ॥  
 लोगों लै उनीति कणि बिगाढ़ौ चहाय ।  
 और परदंच एक उनुलै रचाय ॥  
 खस रजौ मजि एक सरदार छीय ।  
 कीर्ति चन्दै लणी मजि छिपि जो गोछिया ॥  
 गागरा नजिक एक रामगढ़ा पास ।  
 गजुवा ढिंगा नाम एक जग हैर्झ खास ॥  
 खसौ कौ उ सरदार उति लुकि गोय ।  
 आपण मनैलै आफी रज बनि गोय ॥  
 आपू कणि ठारौछी यो स्वतन्त्र नृपति ।  
 सेना कणि ल्याय उलै गजु ढिंगा बति ॥  
 खगमरा कोट पर करि दी चड़ाई ।  
 घमासान उति तव है गई लड़ाई ॥  
 भिकम चन्दौ कौ विलौ यस करि दिय ।  
 अस्वथामा षाहडवौ कौ जस करौछिय ॥  
 सेर्झया भीषम चन्दौ सिर काटि दिय ।  
 और लै साथियों कणि तसै मारि दिय ॥

कुमाऊं कौ रजा बीलै आपू कै बनाय ।  
 य खबर सुणि बटि कल्याण चन्द आय ॥  
 डोटयावों दगड़ी बीलै करौ राजी नाम ।  
 दो तरफा सेना तब जोड़ि ली तमाम ॥  
 खगमरा कोट और रामगढ़ पारी ।  
 करि दी चढ़ाई तब फौज वड़ी भारी ॥  
 आपण बाबू कौ बील बदलौ ली लोय ।  
 वीका सब साथियों कै कतल कै दिय ॥  
 गजुवा ढींगा का बीलै सब मारी दिय ।  
 वीकौ नाम प्रसिद्ध छा आजि लकि छिय ॥  
 कल्याण चन्दै की तब विजय है गेयी ।  
 य घटना पन्दरा सौ साट मजि हयी ॥

---

### नवीन प्रकाशन

कुमाऊनी साहित्य मण्डल द्वारा नये लेखकों की अतिशीघ्र प्रकाशित होने वाली नई रचनाएं पुराने प्रकाशनों के नये संस्करणः जिनकी अधिक मार्ग

### पुराने प्रकाशनों के नये संस्करणः—

- |                                   |                              |              |           |
|-----------------------------------|------------------------------|--------------|-----------|
| १. नन्द मामी                      | २. माँ बेटी                  | ३. दीदी भुली | ४. शैलानी |
| ५. दीवानी विनोद दो ब्यानों के हाल | ६. सासु-ब्वारी तीसरा संस्कृण |              |           |

### वचे लेखकों की नई रचनाएः—

- |                           |                |                        |
|---------------------------|----------------|------------------------|
| १. कुमाऊनी रामायण         | २. श्रवण कुमार | ३. सत्यवादी हरीशचन्द्र |
| ४. सावित्री सत्यवान       | ५. भस्मासुर बध | ६. हरिद्वार महात्म्य   |
| ७. समर्घसिंह हर्घसिंह हीत |                | ८. सत्यनारायण व्रत कथा |
| ९. गोरिया रोजा खण्ड काव्य | १०. शिव चालीसा | ११. साल्दे सोमनाथ      |
- 

हर प्रकार की पुस्तकें मंगाने का एकमात्र स्थानः—

**कुमाऊंनी साहित्य सदन बाजार सीताराम दिल्ली-६**

# कुमाऊँ के सम्माट

तीसरा खण्ड

चौथा भाग

## बालो कल्याण चन्द

पनदरा सौ साठ मजि बालो कल्याणचन्द ।  
गही मजि बैठा फिर बहौतै आनन्द ॥

चौतरफा शान्ति करी कर राज काज ।

बाबु कौ वदल लिवै सब सुख साज ॥

खसीया खोला में तब नगर बसायो ।

देवतों की पूजा हणि भिल्मोड़ा मगायो ॥

उतिकौ नौ धरौ फिर आलम नगर ।

नयी राजधानी तब बसायो शहर ॥

रमणीक शुद्ध जल आय हवा भली ।

देवदारू जंगला छा जगा भौत भली ॥

देवली व ब्याड़ि खान सटोलिया खान ।

चीमा खान बीच उति सुन्दर उ स्थान ॥

भिल्मोड़ा ल्याडि लै वां भौत हई गया ।

भिल्मोड़ा हांति क्वे २ अल्मोड़ा कै गया ॥

कैलै क्य भिल्मोड़ा कैलै अल्मोड़ा ।

कैल क्य चल्मोड़ा कैल अल्मोड़ा ॥

उनथें सबुलै तब अल्मोड़ी कय ।

तभणि वै उति कौ नौ अल्मोड़ा हय ॥  
आलम नगर नाम कैलै निकै जाण ।

अल्मोड़ा हयी गोय सबुलै पच्याण ॥  
बालोकन्याण चन्द राजा बीलै यों बसाय ।

पन्द्रासौ तिरपन में नयी नाम आय ॥  
सेला खोला भीजाड़ा का जोशी खानदान ।

काली कुमू वटि छीजो मंत्री व दिवान ॥  
रजा का दगड़ा तब उलै उति आया ।

चौधानी व डड़ा विष्ट पाएडे उति रया ॥  
महैरा फत्यालौ कणि फिर वा बसाय ।

चौधानी लै पान्डेनौ कै फिर वां बुलाय ॥  
पाली पछौं फदा कोट वारहामन्डल ।

द्वी धड़ौ में वांटि दिया असल-असल ॥  
कत्यूरीया राजाओं की सनतान कणि ।

सयणा लै थोक दारी सौपि चिन्तामणि ॥  
अल्मोड़ा में चन्द रजों राजधानी वनी ।

उवकतै गंगोली में लड़ायी गे ठनी ॥  
गंगोली का रजा लकि चन्द बंशी हया ।

चन्दै में बे उयीं रजा मड़कोटी हया ॥  
इनरा पुर्वज राजा कर्म चन्द हया ।

इनरा दीवान मंत्री उप्रेती हया ॥

मंत्री का दगड़ा कुछ भगड़ौ है गोय ।

शीकार खेलण रजा जंगल हैं गोय ॥  
ज्वक दिवै मंत्री लै वाँ रजा मारि दीय ।

बागै लै मारौछ रजा प्रचार कै दिय ॥  
रजै की राणि लै तब सराप दि दिय ।

पन्त बामणौ कै तब च्यल सौषि दिय ॥  
यस क्य म्यरौ पति बागै लै नी खाय ।

यो प्रचार गलत याँ लोगों लै कराय ॥  
आज बै याँ सबों कणि बाग खानै रैजो ।

आज बै यो जगा भूमि बंजर रहैजो ॥  
यस कैबै राणि तब सरयू में न्हैगे ।

रजै की पगड़ि लीजे आपू सती हैगे ॥  
तभंणी बै गंगोली में बाग भौत रनी ।

यसकनी बाग उति मैंसौ कै मारनी ॥  
पन्तों लै व सतीयों लैं बचन निभाय ।

कर्मचन्दा च्यलै कणि गद्दी मैं बैठाय ॥  
ताराचन्द रजा जब गद्दी मजि आय ।

पन्तों कणि राजबैद्य गुरु जी बनाय ॥  
मंत्रि लै दिवान लकि सेनापति लकि ।

पन्तों कणि बनायो पै सलाकार लकि ॥  
मड़कोटी रजौ मजि भौत रजा हया ।

आठ नाम याद छैं जो यों यों रजा हया ॥

## मङ्गकोटी राजाओं के नाम

राजा कर्मचन्द और शीतचन्द हया ।  
 ब्रह्मा हिला चन्द व पुनम चन्द हया ॥  
 राजाअनी चन्द राजा नारायण चन्द ।  
 नारायण चन्दै लै पै करौ अना धुन्द ॥  
 कल्याण चन्दै लै तब दाव पेच पाय ।  
 जीती बै गंगोली तब आपू में मिलाय ॥  
 सोर सीरा अस्कोट दानपुर जोहार ।  
 जीती बै रजै लै उति बसाया सरदार ॥  
 छोटा २ खस राजा हया सरदार ।  
 रौतेला दीवान सब क्या जिमीदार ॥  
 इनुलै चन्दौ कौ फिर प्रभाव बढ़ाय ।  
 तुफानी शासन तब चन्दौ लै बढ़ाय ॥  
 अल्मोड़ा मजि तब हैर राजधानी ।  
 यों बालो कल्याण चन्द रजा छीया ज्ञानी ॥  
 पन्द्रा सौ अड़सट तक यतु काम हया ।  
 बालो कल्याण चन्द तब स्वरग नहै गया ॥  
 उनरा सुपुत्र फिर रुद्र चन्द हया ।  
 पन्दरा सौ अड़सट गदी मजि आया ॥  
 तैहैतै खबर तब दिल्ली बटी आई ।  
 दिल्ली का सुवालै आव छिनी है तराई ॥

बालेश्वर मन्दिरों कौं एक जो पुज्यारी ।  
 रामदत्त नाम जैको नीमर्बत धारी ॥  
 उलकि खबर ल्याय तब तै बखत ।  
 महादेव दबी रयी येती ये बखत ॥  
 उनू कणि निकालौ कवे तब थिति रली ।  
 चन्द राजाओं की तब राज वृद्धि हली ॥  
 उबखत रुद्र चन्द चम्पावत गया ।  
 महादेव निकाली बै थापित कराया ॥  
 मन्दिर मर्मत करि ठीक दी बनायी ।  
 रामदत्त कणि दिवै फसल की नायी ॥  
 भावर का लड़े का जो समाचार आया ।  
 रुद्र चन्द दौड़ा तब उति हणि गया ॥  
 रुद्र चन्द रजै की छा जति २ आई ।  
 उति २ रामदत्त पुज्यारी की नाई ॥  
 हुस्सैन खाँ दुकड़िया एक जो नवाब ।  
 साजहाँ पुरौ कौ हयौ जालिम असाब ॥  
 हिन्दू की पछ्याण बीलै दुकुड़ी लगायी ।  
 दुकु डिया नाम बीलै तब दी धरायी ॥  
 बीलै कभै इतिहास पढ़िया निहयो ।  
 पहाड़ों में सुन चांदी भौत हौँछा क्यो ।  
 आपण मनम बीलै लायो अनुमान ।  
 कुमाऊ का लोग हैला खूब धनवान ॥

तब वीलै पहाड़ों में लूट सुरु करि ।  
 बहौतै मन्दिर तोड़ि चौपट दी करि ॥  
 चौमासम एक फौज फसिगे वाँ तब ।  
 कीचड़ लै जगंल में भील भाड़ि सब ॥  
 पहाड़ाका उचा उचा पहाड़ों में चड़ा ।  
 घुर्यें बटि गोव वाँ सबौं ख्वरा फोड़ा ॥  
 फिर उ पहाड़ बटि तब भाजि गोय ।  
 करि बै तथ्यारी फिर दुबारा ऐ गोय ॥  
 महल मन्दिर फिर भौत टोड़ी गोय ।  
 लूट पाट करि बटि धन निन्है गोय ॥  
 उवखतै दिल्ली मजि रज छी अकबर ।  
 बीरबल दीवान छी भल छी असर ॥  
 अकबर बाशालै तब हुसैन खाँ कणी ।  
 दिल्ली में बुलाइ लिए तब चिन्तामणि ॥  
 पहाड़ कागोवौ लै जो धायल है गोय ।  
 दिल्ली जै बै दुकुड़ि जातै मरि गोय ॥  
 रद्द चन्द रज तब भावर में आयो ।  
 मुसलमानों कणि वाँ बै मारि बै भजायो ॥  
 यखबर आजि जब दिल्ली नहै गेई ।  
 नबाबै की फौज फिर तैयार है गेई ॥  
 भौत बड़ी फौज लिबै भावर में आयो ।  
 राजा रुद्द चन्द तब भौतै घबरायो ॥

रजै की जो फौज बीकी निहई चौथाई ।

राजा सद्री चन्द कणि बुद्धि भौत हई ॥  
नवावै दगड़ी येसी ठराई तजवीज ।

यस कय नवाव ज्यु सुणै एक चीज ॥  
दो तरफा फौज कणि अलग कैरौला ।

सेनापति सेनापति हम लड़ि जौला ॥  
जो जीतिलौ बीक नाम भावर है जालौ ।

हारलौ जो उ अपण घर नहै जालौ ॥  
मुगलों कौ सेनापति एक बीर हयो ।

रुद्र चन्द खुद आफी सेनापति हयो ॥  
जीती गया तब जसी राज रुद्र चन्द ।

फैसला मन्जुर हय युद्ध हय बन्द ॥  
बादशा लै जब सुणि एतिकी खबर ।

राजा रुद्रचन्द कणि बुलाय तत्पर ॥  
नागौरा का युद्ध मजि भेजौ लण हणि ।

सेनापति बनाय वाँ रुद्र चन्द कणि ॥  
रुद्र चन्द रजै की जो कुमाऊनी फौज ।

उनुलै वाँ युद्ध मजि खूब करि रौज ॥  
देखि वै उनरी तब बहादुरी कणि ।

चौरासी की माल तब दि दी रजै कणि ॥  
भावर में भौत वार लूट पाट हैर्इ ।

कई उपद्रव हया लणायीं लै हैर्इ ॥

रुद्र चन्द रजैलै पै इंजाम कराय ।  
 रुद्रपुर नगर वां आपणौ बनाय ॥  
 महल मन्दिर लै वां किला लै बनाया ।  
 जगु जगु लाट और शासक बनाय ॥  
 उभखत तराई में खूब छी अमन ।  
 आबादी लै भौत छीया खूब अन धन ॥  
 दिल्ली और तराई कौ काम करि बेर ।  
 अल्मोड़ा अणौ कि तब हैयी गे अबेर ॥  
 रातौ रात अणैरछी उति बै घोड़म ।  
 टूटी गे लगाम तब उति बै अणम ॥  
 ज्योड़ जसौ स्याप देखौ ज्योड़ ठारी बटि ।  
 बनैली लगाम तब गया खटा खटि ॥  
 राति हंणि देखौ जब घर जायी बेरा ।  
 सगुन बनाय तब खुशी हैर्झ बेरा ॥  
 सइसै कै रजै लै पै खूब दी इनाम ।  
 फसलै की नायी लकि दिलै वीका नाम ॥  
 दिल्ली बै ऐबेर तब अल्मोड़ा मजि ।  
 किला लै महल तब बनाया वां सजि ॥  
 बाबू का महौला वीलै मन्दिर बनाया ।  
 बामणौ का लिजीयां वां नियम बनाया ॥  
 रसोइया राज गुरु राज वैद्य पद ।  
 नयी नयी पदवी लै बनायी बेहद ॥

रुद्री चन्द रजा का जो धीया पुत्र छीया ।

दुल च्यल शक्ति सिंह जन्मान्ध छीया ॥

छोटौ जो लक्ष्मी चन्द शक्तिवान छीयो ।

भौत बड़ौ शक्ति शाली परतापी छीयो ॥

सीरा राज्य लीण की जो वावू की लगाना ।

लक्ष्मी चन्द पुरी करि लगै तन मना ॥

सीरा कोट भौत दुल राजकोट छीयो ।

सबुमजि सबसीर उपजाऊ छीयो ॥

सीरा का रजों का ऐति कुछ नाम आनी ।

उनुकणि डोटि वाला राजंशी बतानी ॥

## डोटी के राजाओं की नामावली

आधिरौत भीम रौत भक्ति रौत हया ।

धीर मल रुद्र मल जय मल हया ॥

रितुमल भूपति लै भारतीय मल ।

दाता व आनन्द मल और राजमल ॥

कल्याण जुवानमल अरजुन मल ।

नागमल और बलि नारायण मल ॥

झगरा बसेडा और मदन बसेडा ।

मदन बसेडा छीया यतुक बसेडा ॥

सोभामल हर्षमल यतु राजा हया ।

नारायण बलि एक खसों लै हराया ॥

सोभा मल रजै लै पै खस राजा कणि ।  
 मारि वै भजाय दिय तब चिन्ता मणि ॥  
 हरिमला समया पै रुद्रचन्द हया ।  
 एक भारि फौज लिबै सीरा मजि गया ॥  
 रैक रजै दगड़ि ऊ लणण मै गया ।  
 रुद्रचन्द लणायी मैं उति हारि गया ॥  
 हारि बटि रुद्र चन्द वापिस जो आया ।  
 बट मजि एक जगा स्योव भैरी गया ॥  
 बट में बहुवा एक बुणणौ छी जाला ।  
 दुटी दुटि जांछीया उ है गोय विहाला ॥  
 सातों बार बनाणम जाल बनि गोय ।  
 वीक काम कणि तब रज देखि रय ॥  
 रजै कणि आयी तब यो चीजै की फाम ।  
 हिम्मत निहार जब बनि जाछा काम ॥  
 सोचनै सोचनै रजा अल्मोड़ा आयो ।  
 दिवान मसौद्यों साँथ मसौदा ठरायो ॥  
 मसौदी लै कय तब सुणौ महाराज ।  
 गुप्तचर खोजों कोई तब हलौ काज ॥  
 उनदिनों एक छिया पुरुषोत्तम पन्त ।  
 रैक रजा मंत्री छिया बुद्धि छि अनन्त ॥  
 लगै बटि सोध भेद रजैलै उ खोजौ ।  
 वीहणि रजै लै तब राज पत्र भेजौ ॥

विहांति रजैलै क्य राज कर ल्यावो ।  
 एक लाख रुपै तुम एति लीबै आवी ॥  
 निद्याला भलिक जब और ज्यादा ल्यूला ।  
 जतु धन त्यरि पास सब छिनी ल्यूला ॥  
 पुरुषोत्तम पन्त तब अल्मोड़ा आया ।  
 बहौतै बिनीत भाव बचन सुणाया ।  
 रुपया तो कुछ निछै शिर्प योछासीरा ।  
 ज्य सेवा करौछा तुम सेवा छा हाजिरा ॥  
 यदि तुम जो चहाँछा सेवा करि दीनू ।  
 सीरा लै बधान कोट राजदीवै दीनू ॥  
 कुमाऊं में मिलै दिनू सीरा बधान कोट ।  
 हरिमल रैका कणि मरि दीनू चोट ॥  
 रुद्र चन्द रजैलै पै मानि ली यो बात ।  
 सीरा मजि फौज चढ़ै तब रातौ रात ॥  
 तीन दिन रहे उती लड़ै घमासान ।  
 हारि गया रुद्र चन्द हया परेसान ॥  
 तीन दफे लड़ै करि फिर हारि गया ।  
 चन्दों कणि रैका तब दूर भजै गया ॥  
 एक बाट रुद्र चन्द रजा नहै गया ।  
 एक बाट पुरुषोत्तम पन्त नहै गया ॥  
 पुरुषोत्तम पन्त तब भूख रहै गया ।  
 जानै जानै एक गौ में बुढ़िया यां गया ॥

बुढ़ियेलै खीर खवै क्यवा का पातम ।  
 पुरुषोत्तमै बुद्धि तोलि जरा सा बातम ॥  
 वी लै तब खीर खै उ बीच मजि बटि ।  
 खीर बगि गेड तब दन खनौ बटि ॥  
 बुढ़िएलै क्य त्वीलै खीर नी खै जाणि ।  
 पुरुषोत्तमै लै यसै सीरा नी ली जाणी ॥  
 तब कौँछा पुरुषोत्तम खीर कसी खाणी ।  
 सीरा में विजय लकि फिर कसी पांणि ॥  
 तब जै बुढ़िया कैछा सुण मेरी बात ।  
 यतुक चाकव जोछी य क्यवौ कौं पाता ॥  
 दनखनौ बै जो पैली खीर तु यो खानै ।  
 सीरा कोटे विजय तु तब जैसी पानै ॥  
 तब वीकी समझ में आई गे उ वात ।  
 आपु फिर लण हणि गोय रातौ रात ॥  
 वीहै वै आधिल घखौं और उधारण ।  
 गोभरीया किड़ घखौं गोलि रौं बनाण ॥  
 बार बार लीजाणम फिर घूरी जैछा ।  
 पांछौं बार गोलि वीकी पार हैइ जैछा ॥  
 उकणि यो भल एक मिलि गो सबक ।  
 फिर वीलै लणणै कि लगाई जपक ॥  
 फिर लड़ा रुद्र चन्द और पुरुषोत्तम ।  
 घुसि पड़ा किला मजि करि दी खतम ॥

रैका राजा हरिमल भाजौ डोटी हणि ।  
 एसी है कहौत उति तब चिन्तामणि ॥  
 बाद मजि रुद्र चन्द इलाका तमाम ।  
 सीरा में बसाया सब चलि गई हाम ॥  
 चौगरखा मनसारी बारह मन्डल ।  
 भैसैणा मलाण लकि मनसा अमल ॥  
 सब जगा धरि बटि आंपण शासक ।  
 जीमोदार बसै दिया और प्रसाशक ॥  
 हरि मलै सनतान डोटि का शासक ।  
 विद्य वान बतानी बाँ बड़ा छै शासक ॥  
 मल राजा जैबखत डोटि हणि गोय ।  
 कुटम परवार सबै दगड़े लिगोय ॥  
 कैठैत व भट्ठ जो छी यका कर्मचारी ।  
 कामदार बनि गया चन्दों का पैसारी ॥  
 सीरा कोट अस्कोट दारमा जोहार ।  
 सब जगा हैर्झ गोय चन्दों कौ धिकार ॥  
 रुद्र चन्द रजा तब अस्कोट आया ।  
 मांडलिक रजा सब आधीन बनाय ॥  
 उनरा दगड़ा तब करि रिस्तेदारी ।  
 रजवार छीया तब राज्य अधिकारी ॥  
 युवराज छीया जो ऊँ लला कैलहाँ छीया ।  
 और बिरादरौं हाँती गुसारीं कछीया ॥

रुद्र चन्द्र रजा तब अल्मोड़ा आया ।  
 पुरुषोत्तम पन्त कणि काम सौंपि आया ॥  
 यस कय तुम याकौ इनतज्जाम करावो ।  
 करि बटि इंजाम अल्मोड़ा आओ ॥  
 वीक नाद फिर तुम गढ़वाल जाओ ।  
 जीति वै वधान गढ़ कुमाऊ में ल्याओ ॥  
 रुद्र चन्द्र रजै लैं पै अल्मोड़ा ऐबेर ।  
 सुब काम करा तब राज बसै बेर ॥  
 मन्दिरों कै चढ़ै दिया सुब गुठ गाऊ ।  
 मन्दिर बनाय एक यां पालि पछाऊ ॥  
 विनौ और राम गंगा वीच में उदार ।  
 वीकानाम शिवालय छा बृद्ध केदार ॥  
 पंरिडत विद्वानौ कणि गाँव जैला दिया ।  
 होन हार छात्रों कणि छात्र बृति दीया ॥  
 वहौर्त युबकों कणि काशि पढ़ै गया ।  
 अल्मोड़ा मजि लकि संस्कृत पढ़ाया ॥  
 कुमाऊ का पंरिडत लै विद्वान है गया ।  
 काशी का पंनिडतौ हबै कम के निरया ॥  
 ब्रह्मणौ का च्यला सब विद्वान है गया ।  
 विद्वान शास्त्रार्ध कंण काशी बटि अया ॥  
 कुमाऊ पंरिडतों दगै सब हारि गया ।  
 मानि बटि हार तब वापिस न्है गया ॥

रुद्री बन्द रजा छिया खुद विद्वान् ।  
बलवान् गुणवान् परम सुजान ॥

हु लै संस्कृत मजि गरन्थ बनायीं ।  
चार वेद छ्यो शास्त्र अध्यन करायीं ॥

आब सुणों चिन्तामणि आधीलै कहानी ।  
बद्रीदत्त पारडे जरू जो लिखी वै वतानी ॥

पुरुषोत्तम पन्त ज्यू लै राज आज्ञा पाई ।  
जैबटि बधानगढ़ करि दी चढ़ाई ॥

गढ़वाल मजि छी जो राजा दुला साह ।  
कत्यूरीशा रजै हणि करि वै सलाह ॥

सुशुकालदेव राजा कत्यूरी आखीर ।  
दुलासाह रजै की पै मानि तद्वीर ॥

तुम करौ ऐल क्य मदद हामरि ।  
तब जै करुला फिर हमलै तुमरि ॥

झुमाऊ तुमरौ हलौ चन्दो हाँ लिवटि ।  
येतियो हमरौ हलौ तब तहै बटि ॥

सुकाल देवै की जब मनिली यो बात ।  
वीलै पै अपणी फिर जोड़ि दी जमात ॥

पुरुषोत्तम पन्त कणि जाण लै निदियो ।  
सामाग्री रामेत वीको वाट रोकि दियो ॥

गढावों दगड़ा तब भारी युद्ध हय ।  
पुरुषोत्तमै कणि उति भाला लागी गोय ॥

मरि गोय पन्त तब काटि दिय मिर ।

दुलासायी पास शिर निन्है गया फिर  
बील पैली सेना हाँती जसौ कैरी छीयो ।

सबु कि मन की तब उसै करि दियो ॥  
पुरुषत्तमौ कौ जो यां शिर काटि ल्यालौ ।

उ तब इनाम मजि जागीर यां पालौ ॥  
पडयारों लै काटौ छीय पुरुषोत्तमौ शिर ।

उनुकैं जागीर बीलैं बाँटि दिया फिर ॥  
रुद्रचन्द कणि जब य खबर आई ।

पुरुषोत्तम पन्तै की वां करि है सफाई ॥  
रजेलै वां सलहाकारों कणि लै बुलायो ।

सेनाकट्ठी करि बटि बिगुल वजायो ॥  
उ सब सुकाल कणि पकड़ि ली आया ।

और लै कत्यूरौ कणि बन्द बनै ल्याया ॥  
सबुकै पकड़ि बटि अल्मोड़ा लि आया ।

उनरौ जो मित्र छो यो रातु बौरा आया ॥  
बील कय छोड़ि दियो ऐल इनु कणि ।

जरवानौ ठरि गोय जब चिन्तामणि ॥  
जरवानौ करि दियो धुल तुमु कणि ।

छैम्हैणम धूला कय जरवानौ कणि ॥  
छोड़ि दीयो तहैं तब मानिली सरत ।

छैम्हैण है गया जब ऐगोय बखत ॥

जा कौंछा ल्यावो आब जरवानो ल्यावो ।  
 यातु मरि रयीयत हमू में मिलवो ॥  
 रातुबौरा सुकाल लै वै पलटी गया ।  
 जर वानौ दिण हणि मना कर गया ॥  
 उनुलै जवाब दी दी हम के निदिना ।  
 ज्य करंछा आब तुम के लियो आधीना ॥  
 रुद्री चन्द गुस्स मजि तब उति गोय ।  
 रातु लै सुकाल कणि मरि वै एगोय ॥  
 जिति वै कत्यूरौ कणि अल्मोड़ा ल्याय ।  
 कत्यूरौ कौ राज लकि आपू में मिलाय ॥  
 उनतीस बरस करौ रुद्री चन्द राज ।  
 बहौतै प्रभाव शाली भल काम काज ॥  
 यन्दरा सौ सात में यो सुर पुर गया ।  
 लहमी चन्द कणि तब गदी सौपी गया ॥  
 सबों हवै ठुला रजा चन्दों में यो हया ।  
 शूर वीर शिक्षा प्रेमी परतापी हया ॥  
 गुण वान ज्ञान वान हया विद वान ।  
 पन्डित लै विद्वानौ कौ करं छीया मान ॥  
 इनुलै आपणै राज बहौतै बढ़ायौ ।  
 भावर में रुद्र पुर इनूलै वसायौ ॥  
 रुद्र चन्द देवी का लै उपासक छीया ।  
 और सब देवतौ कै खूब मान छीया ॥

कर्म वीर लकि छीया भङ्ग लै सेवक ।  
 शिव उपासक लकि कविलै लेखक ॥  
 इनरा सुराज मजि भला काम हया ।  
 इनरी सन्तान लकि इनू जसै हया ॥  
 रुद्री चन्दा बाद राजा ल क श मी चन्द ।  
 गद्दी मजि वैठा फिर करौ राज धन्द ॥  
 य रजैलै घडाई कै गढ़वाल पारा ।  
 हारनै हारनै रया सात बार हारा ॥  
 सातों बार गढ़ बटि भाजि बै एगया ।  
 गढ़वों का घिड़ मजि लुकि बटि आया ॥  
 गुरुहाँति क्य तब ह्य तुमरों मंत्र ।  
 धरौ तुम आपु हँति निहाँति के तंत्र ॥  
 सात बार हारी गोयू है गेल्ह सरम ।  
 हारिया भाजियों कौ के निरनों भरम ॥  
 आव ता में एति बटि दूर नहै जान् ।  
 राज काज छोड़ी धूनू जोगी हई जानू ॥  
 गुरु जी लै क्य तब कुछ ठैरि जावो ।  
 मंत्र सिद्धि करुला में मत घबरावो ॥  
 गुरुजी बंगाल जै बै सिद्ध करौ मंत्र ।  
 मंत्र दियो रजै कणि करि बटि तंत्र ॥  
 मंत्र लिवै रजैलै पै और सिद्धि करि ।  
 और लैकि देवतों की सब सिद्धि करि ॥

अल्मोड़ा लै बागेश्वर मन्दिर बनाया ।  
 जागेश्वर कई गांव गूठ में चढ़ाया ॥  
 आठों बार लक्षि तब लण हंणि गया ।  
 बागेश्वर पूजा करि गढ़वाल गया ॥  
 विजय ता तब लै के खास जै निहई ।  
 लूट पाट करि कुछ विजये ठर्यी ॥  
 यों रजैलै ढयों मजि पुतलों जलायो ।  
 लकड़ा पीरवा सब इकड़ा करायो ॥  
 बनैवे आदिम जसौ लगै दियो आगौ ।  
 जसिक दुनिया कणी यो खबर लागौ ॥  
 जीती गोछा चन्द रजा हारि गो गढ़ाल ।  
 अल्मोड़ा जल्दी तब पूजी गो सवाल ॥  
 तभणी बै नना आब खतड़वा कनी ।  
 ढयों ढयों मजि आब भैलौ भैलौ कनी ॥  
 गड़ा की जीता खतड़वा की हारा ।  
 गड़ा बैठी स्योला खतड़ पड़ो भ्योला ॥  
 गैड़ा हय सेनापति चन्द राजावों कौ ।  
 खतड़वा सेनापति हय गढ़ालौ कौ ॥  
 उभंणी बै खतड़वा त्यौहार है गोय ।  
 विजयों कौ बारपिक उत्सव है गोय ॥  
 लक्ष्मी चन्द भौत दुला महा राज हया ।  
 लहानगार रजाका यां सभा मजि रखा ॥

जैलै इनरि भौत बड़ाई करीछा ।

और एलै भौत जगा गूठ मजि दीछा ॥

लद्धमी चन्द चौबी वर्ष राज करि गया ।

सौल सौ इकीश मजि स्वरग न्है गया ॥

बीकौ च्यलो दलीप चन्द गदी में बैठायो ॥

सोल सौ चौबीस मजि स्वरग सिधायो ।

बीका बाद बिनै चन्द गदी मजि आया ।

फिर राज त्रिमल चन्द महराज हया ॥

तेर वर्ष राज करि गया त्रिमल चन्द ।

त्रिमल चन्दा बाद हया बहादुर चन्द ॥

बीक बाद हया फिर राजा उद्योत चन्द ।

उनरा सुराज्य छीया प्रजा कै पसन्द ॥

उद्योत चन्दा राज में छी बाबा ऋद्ध गीरी ।

उनरी कहानी एक सुणि लिया फिर ॥

बाबा जी का उद्योत चन्दा बड़ा प्रेम छीया ।

रजै हाँति प्यारैले ऊं उदुवा कछीया ॥

एक दिन उद्योत चन्द ऋद्ध गिरी कंणि ।

दुशाला दिआया एक उति ओण हणि ॥

बाबा लै दुसाला दिया धूणि मजि डाली ।

नगड़ै भै गया फिर उसी कै ऊं खाली ॥

दुसरी बखत जब रजा उति अया ।

दुसाला नि द्यख अब आश्चर्यम हया ॥

बाबा जी समझी गया रजा का दिलै की ।

यकणि फिकर हैंगे अब दुशालै की ॥

बाबा जी लै धुणी मजि चीमटा डुवाय ।

दुसाला निकई बटि रजै हांति कयो ॥

यो लें रै उदुवा कयो ह्य तेरौ दुशाला ।

त्यकणि फिकर हैंगे कतिगो दुशाला ॥

रजैलै पै माफी मांगी जोड़ी बेर हात ।

घर हणि नहै गया निकई कै बात ॥

बाबा लै दुसालों दीदि क्वे गरीबै कणि ।

आपू ऊं उसिकै हया रोज उति कणी ॥

उद्योत चन्द रजैलै याँ एक कवि कणि ।

दस सौ रुपयाँ दीया हाथी बैठहणी ॥

उद्योत चन्द वीस बर्ष राज करि गया ।

सोलसौ अड़सट मजि बैकुण्ठ नहै गया ॥

फिर आया गदी मजि राजा ज्ञान चन्द ।

दस बर्ष राज काज करौ काम धन्द ॥

फिर पैजै गदी मजि जगत चन्द आया ।

बीक बाद चन्द राजा देवी चन्द हया ॥

फिर पै अजित चन्द गदूदी में भै गया ।

अजीतचन्दा बाद फिर कल्याण चन्द आया ॥

राजा दीपचन्द फिर राजा मोहन चन्द ।

राजा प्रद्युमन सिहं और मोहन चन्द ॥

राजा शिवराज सिंह महेन्द्र चन्द ।  
आखरी का रजा हया राजा मोहन चन्द ॥

## चन्दों का पंचायती राज्य

चन्दों लै चलाय कनी पंचायती राज ।  
सबु की सल्हा लै क्य सुन्दर सुराज ॥  
भला भला लोगों कणी सदस्य बनायो ।  
उनरी सलाह लै तब सुराज चलायो ॥  
दुला दुला कोमों का जो छीया बुद्धिमान ।  
बलवान गुणवान चतुर सुजान ॥  
मौहरा फत्याल और कार्कि लै बौरा ।  
करायत अधिकारी तड़ागी लै औरा ॥  
बार बूढ़ा अधिकारी बनाया दीवान ।  
रौत लै रौत्याल बिष्ट कठैत सुजान ॥  
चन्दौ का जो पैली रजा सोमचन्द छीया ।  
यों सबुकैं बुलै बटि मिटिंग कंछिया ॥  
उनरी सलाह लै कंछी परस्ताव पास ।  
सभा का सदस्य छी जो सभापति खास ॥  
आपु पैली महाराज बनाछी योजना ।  
पास कंछी सभापति सदस्य सज्जना ॥  
यसीक चलौछी तब चन्दौ कौ सुराज ।  
प्रजा कणी सुख हौछी राजाओं कौ राज ॥

## चन्द राजाओं की आखरी बंशावलों

फिर राजा शिव सिंह शिव चन्द हया ।

महेन्द्र चन्द फिर गद्दी मजि अया ॥  
एक ऐसी बंशावली एती दीयी रैछा ।

कुंवर पहाड़ सिंह बटि चलि ऐछा ॥  
पहाड़ सिहां पुत्र राजा हरी सिंह हया ।

हरी सिंह पुत्र फिर मोहन चन्द हया ॥  
मोहन चन्दा हया फिर परवत सिंह ।

उनरा पै नन्द सिंह वीक भीमसिंह ॥  
भीमसिंह राजेन्द्र सिंह हया श्री मान ।

उनरा आनन्द चन्द छीया विद्यमान ॥  
दुसरी आलाका हया कुवर लाल सिंह ।

लालसिंह गुमानसिंह शिवराज सिंह ॥  
राजा हरीसिंह और कुवर कर्ण सिंह ।

कुंवर भूपाल सिंह राजा उदय सिंह ॥  
कुवर आनन्द सिंह आखरी बंसजा ।

आबयों रै गया खाली आदरा का रजा ॥  
इनु हाँती आज कल रज सैब कनी ।

फकीर ता नहै गोय लकीर पुजनी ॥  
जति जब बनि जनि सब श्री मान ।

आफी आफी बनी जानी मंत्री परधान ॥  
जति नेता क्वे निहनौ सब बनि जानी ।

कै कणी क्वे निमाननौ अपणी चलानी ॥

जै घरम हैर्इ जांछ सैणियों कौ राज ।  
 और जति नासमझ लौड़ों कौ समाज ॥  
 उधरौ कौ हैर्इ जांछ मूल सर्वनास ।  
 अव्यवस्था हैर्इ जैचा है जांछौ बिनास ॥  
 यति एक शलोक छा शास्त्रों प्रमाण ।  
 बद्री दत्त पाण्डे ज्यूलै धोछ यौ प्रमाण ॥  
 सर्वे यत्र नेतारः सर्वे पर्णित मानिनः ।  
 स्त्रिनायका विनश्यन्ति नश्यन्ति शिशुनायकः ॥  
 स्कन्ध पुराण मानस खण्ड  
 योसै हैर्इ गोय कनी चन्दो कौ स्वराज ।  
 योई दशा घर घर हैर्इ रैछ आज ॥  
 राजा दीप चन्दै की जो दुसरी छी राणी ।  
 एक बेर उनीलै याँ दिखैदी धौथाणी ॥  
 उनीलै जमै दी जब आपणौ धिकार ।  
 पलटी दी उनीलै वाँ सब सरकार ॥  
 बीका परिणाम हयो कुमाऊँ का अन्त ।  
 चन्द राजाओं कौ राज हयी गोय अन्त ॥  
 आपू आपू आफी आफी रज बनी गया ।  
 एक दुसरै हैं तब लड़ण लै गया ॥  
 जब राजा मनमानी कण लागी गया ।  
 सभा का सदस्य लकी पै चिंगड़ी गया ॥  
 प्रजा लै चिंगड़ी गेर्इ आन्तक छै गोय ।  
 चन्दों कौ स्वराज तब कमजोर होय ॥  
 नैपालों कौ रज तब लड़ण लै गोय ।  
 एक साला वीच मजि सर करी गोय ॥

कुमाऊँ में गोरखों कौ राज है गोय ।

चन्द्र बंशी राजाओं कौ चांद छिपी गोय ॥

## गोरखों का अन्यायी (अनाड़ी) शासन

जब बटि कुमाऊँ में गोरखा ऐगया ।

कुमाऊँ लै गढवाल सब में छै गया ॥

बदला उनुलै तब चन्दौ का कानून ।

अपणा अगल और बनाया कानून ॥

नयी २ टैक्स तब इनुलै लगायो ।

चन्दों है वै अठगुण बढ़ै वै लगायो ॥

खेती की रकम बढ़ै कुड़ पर टैक्स ।

भैस गोरू बकरा लै ध्यों दुधों कौ टैक्स ॥

मन्दिर लै शिवालय पनघट गोचर ।

समाजिक धार्मिक जगों पर कर ॥

अफसरों सलामी कर अलग लगायो ।

त्यौहारों कौ नजरानों अलग लगायो ॥

इन सब करौं कौ यों अनाज लिछियाँ ।

कुली बरदेंस और अलग लिछियाँ ॥

यों अन्याय देखी सब हाई २ कर्नी ।

आदि कवि गुमानी यों कविता लेखनी ॥

दिन दिन खजाना का भार बोकना लै ।

शिव शिव चूली में बाल निरै एक का लै ॥

सब लै मुलुक त्योरौ छोड़ि नै कोई भाजा ।

इति बदति गुमानी हाय गोरखा राजा ॥

गोरखा रजौकौं तब यस राज हयो ।

अठारा सौ मजि फिर अंग्रेज ऐगोयो ॥  
उनुलै गोरखों कणि एति बै भजायो ।

छोड़ि बै कुमाऊं वीलै नैपाल बचायो ॥  
गढवाला रजै लै कुछ बचै लियो ।

कुमाऊं का राजाओं लै सब डुबै दियो ॥  
हई गोय कुमाऊं में अंग्रेजों कौं राज ।

कत्यूर लै चन्द राजा क्वे निरया आज ॥  
अंग्रेज लकि अब एति निरहया ।

सन सैतालीस मजि उलै नहै गया ॥  
तभणि बै हई गोय गणतन्त्र राज ।

क्वे निरया एति आब राजा महाराज ॥  
कतु आया कतु गया एति क्वे निरया ।

इतिहास लेखणिया लेखनै रहया ॥  
आधीला पै जसौ हलौ उस लै लेखिला ।

लेखक लेखनै रनी जसौ ज्य देखिला ॥  
चौथा भाग् लकि अब पुरौ हई गोछा ।

सम्राट चार भागों मजि छपि गोछा ॥  
सुणि लियो पढ़ि लियो करि लियो फाम ।

चिन्तामणि सबु हणि जैहिन्द जै राम ॥

॥ इति कुमाऊं के सम्राट चारों भाग ॥

# शुभ सूचना

द्विय बन्धुओं,

आपको वह जानकर हर्ष होगा कि हमारे यहाँ पुस्तकें श्रेष्ठतमें  
श्रलावा छपाई का भी प्रबन्ध है। निम्न प्रकार से आपकी सेवा के  
लिए उपस्थित हैं :—

- विवाह, मुण्डन, गृह, प्रवेश, विजिटिंग काढ़ आदि बाजार से  
पच्छे तथा रियायत पर छापे जाते हैं।
- हिन्दी तथा अंग्रेजी टाइप में हर प्रकार का काम जैसे बिन्द लुक  
आउंट लुक, बाऊचर, पोस्टर इस्तहार सभी काम बाजार से  
बेहतर होगा।
- हर प्रकार की कुमाऊँनी तथा हिन्दी की धार्मिक पुस्तकें छपने  
का भी प्रबन्ध है। कर्मकाण्ड तथा पूजा-पाठ की पुस्तकें भी  
छपने का प्रबन्ध है।
- कलेण्डर तथा नए वर्ष की डायरियाँ भी हम अपने व्यावारियों  
को भेज सकते हैं।
- कार्यालयों तथा स्कूलों से छपी तथा विना छपी स्टेशनरी भी  
भेज सकते हैं।

उक्त संस्था कुमाऊँनी साहित्य मुद्रक के नाम से जनवरी सन्  
१९७७ से छपाई यन्त्र का उद्घाटन कुमाऊँनी साहित्य मण्डल के  
सरक्षक श्री कुलानन्द भारतीय जी ने किया था। तब से यह संस्था  
सुचारू रूप से चल रही है।

## कुमाऊँनी साहित्य मुद्रक

हर प्रकार की पुस्तकें तथा उच्चकोटि की छपाई का एकमात्र स्थान  
चौरासी घंटा, बाजार तीताराम, दिल्ली-११०००६